

ЛИСЕНДИ VI-це КИЗОСЬ

ВЛКСМ-нь Мордовский  
обкомть и Саранскяень  
горкомть газетаснаАдрессь: г. Саранск, ул. Советская,  
Дом печати

АПРЕЛЬТЬ

21-це ШИСТОНЗА  
1938 КИЗОНЯ  
45 (561)

Лисенди ковти 12-кеть.

# Комсомолонь Вайгяль

## Артиллерийский училищав квалифицированной кадрат

Советский народсь гордится доблестной эсь Якстерь Армиянц мархта. Сон неуклонна и оцю любовьса кемокнесы родной Якстерь Армиять мархта родной Якстерь Флотть мархта эсь афсрафтови единстванц.

Якстерь Армиять и Флотть эзда советский народсь единодушно кочкась СССР-нь Верховнай Совету депутатокс 65 ломатть. Тя няфнесы, што народсь безгранична кельксы эсь армиянц, конанц тиезе и кемокстазе социалистический родинать нерушимостенц ингса могучай вооруженной вийкс Ленинонь-Сталинонь партияц.

Якстерь Армиясь ащи первокласснай, сембодонга могучай армиякс мирса. Сон кеме, вию и аф сяскови сяс, што сон вооруженной грозной боевой техникаса; сяс, што сон кадранза высококвалифицированнойхть, конат беззаветна преданнайхть большевистский партияц, эсь родинанцы и великай Сталинти, сяс, што сон ули кеме тылоц.

Якстерь Армиять боевой техникасонза виднай васта заньци артиллериясь. Минь ули вполне современной, мощнай артиллерияньке. Пяшкодкшнемом Сталин ялгать указаниязон сянь колга, штоба всемерно вишкотеми Якстерь Армиять и Якстерь Флотть, тьяконь шовор минь должетта шарфтомс исключительнай мяль артиллериять сяда тов вишкотеманцы и кемокстаманцы. Партиясь и правительствась инь оцю мяль шарфни минь артиллерияньконь кадранзон воспитаниясонды.

„Артиллериясь, афваномок подавлениясь серьезнай боевой од средствань улемать лангс, кода танкатне и авиациясь, иляджши войскань фкя важнейшай родкс тяниень войнана. Тя положениять марнек кемокнесазь испанский и японский войнатне, кода артиллериясь, корхтамок Прессать даннаензон коряс, занцесыне главнай вастнень эзда фкя вастть боевой операциятнень эса. Сяс минь, войскань од родонь касомать мархта ряцок, артиллериять фалу шарфнеме и шарфнетяма особай оцю мяль. Саты азомс, што тя тевть мархта непосредственна и вплотную занимается сонць Сталин ялгась. Ворошилов“

Эрь од ломанць должен содамс, што улемс Якстерь Армиянь рят-

тнень эса, тя оцю и почетнай честь. Синь должны содамс, што артиллериянь облеченнай пях оцю честьса. Советский од патриотне должны стремиться тя чести. Молемок артиллерийский школав, эрь комсомолец и одломанць должен гордиться ся мархта, што теенза партиясь и правительствась доверили ответственной задача—осваивать сложной военной техника, управлять тя техника мархта и кда кодама, кодама тувонь нярь эсесы минь моданьконь лангс эсь няренц, максомс сокрушительнай удар. Советский одломатне должетт содамс, што артиллериять исключительна оцю значения кода наступательнай бойса, а станя жа и оборонительнай бойса. РККА-нь артиллериянь боевой уставса азф: „Артиллериять виец, толса“. Современнай артиллерийский толсь способнай поражать противникть—модать лангста, модать алда, воздухста, броньцта и ст. тов.

„Мощнай, сокрушительнай артиллерияфтома кивок не может рассчитывать военной снаряжениясь победать лангс. „Правда“. Поэтому партиясь и правительствась шарфни серьезнай мяль сянди, штоба современной Советский артиллерияти анокламс квалифицированной кадрат. Ибо кадратне решандасазь сембонь.

Военной училищав заявляниень, примамасть няфтезе, конашкава одломаттнень оцю тягасна военной училищав, особенна артиллерийский училищав. Саранск ошень педвузста 5 студентт изъявили эсь желанияснон артиллерийский школав молемати. Но од ломаттнень артиллерийский училищав молемати кармай улема желаниясна нингя сяда оцю, кда комсомольский организациятне ушедыхть прививать одломаттнень артиллериять любовьснон.

Эряви азомс, што Мордовиянь комсомольский организациясь кальдявста лезды одломаттненьди артиллерийский училищав анокламсонды.

Эряви мяляфтомс эрь комсомольский организацияти, што одломанць аноклаф комсомольский организациять мархта артиллерийский училищав,—тя гордость эрь комсомолетти и комсомольский организацияти.

## Геройхне-полярникне Москусот

Севернай полюсонь завоевательхне, Украинаста мрдасть Москву, конат эстакига жа кярьмодсть оцю работати.


Советский Союзонь Геройсь И. Д. Папанин ялгась кярьмодсь Севернай морской путень начальникть васень заместителень обязанностьснон пяшкодема.

Советский Союзонь Геройхне П. П. Ширшовсь и Е. К. Федоровсь ушедсь „Севернай полюсонь“ дрей-

фующай станциянь научнай материалхнень обработандама.

Советский Союзонь Геройсь Э. Ф. Кренкельсь ванондозень политехнический музейса „Севернай полюс“ станциянь оборудованиень выставкать, конац ули курок панчф. Сон макссь лама указаният научнай работникненьди и художникненьди, конат работайхть выставкать оформлениянц лангса.

(ТАСС)



ЯСКИН ПАВЕЛ МИХАЙЛОВИЧСЬ—СССР-нь Верховнай Советонь депутатсь Березниковань районь „Вейсэ“, колхозть хата-лабораториянь заведующаец, конац сатсь оцю урожай—Лисицинь сорта розьса 32 центнерхт, сурса 33 центнерхт. Яскин ялгась кандидат велень хозяйствань Всесоюзной выставкав.

## Японияти германский и итальянский военной лезксть вишкотемац

Ханькоу, апрельть 18-це шистонза (ТАСС). Мекольдень пингста наблюдандакшневи Германиять и Италиять ширде Японияти оцю военной лезксть. Тяньцзинти сась кемголмува японский самолетт, Шанхай—120 германский самолетт и 276 германский техникт, конатнень йоткса 30 химикт. Шанхайса японский авиационнай курснень эса германский и итальянский инструкторхне тонафнесазь летчикнень.

## Японский солдатне атказась Китай прважамать эзда

Ханькоу, апрельть 18-це шистонза. (ТАСС). Получафт сведения, што март ковть пестонза Осака гарнизонца ульсь случай, японский солдатне атказакшнесть Сешвернай Китай прважаматнень эзда.

## Тонафнесазь РСФСР-нь и МАССР-нь Верховнай Советтненьди кочкаматнень колга Положениятнень

Сире Маманя велеса агитаторхне и пропагандистне йотафнихть оцю работа избирательхнень йоткса. Велеса организовандафт кружокт, кода избирательхнень йоткса тонафнесазь РСФСР-нь и МАССР-нь Верховнай Советтненьди кочкаматнень колга Положениятнень.

Слушательхне примосихть активной участия, синь максихть аф шарьхкодевикс кизефкт и активнайста выступают РСФСР-нь и МАССР-нь Верховнай Советтненьди кочкаматнень колга Положеният-

нень коряс. Сире ломатне заняти-яса азонкшнесазь оязоронь Россиять варварстванц, кровавай Николашкасть пингста рабочей классть и беднай крестьянствать ашельхть кодамовок правасна. Синь пощадафтома эксплуатировандакшнезз капиталистне, помещикне, кулакне и мироеттне.

Кружкова занятиятне йотнихть интереснайста и увлекательнайста.

А. Еремкин.

Рыбкинань р-н.



# Партийнай руководствась комсомольт лангса

Великай и могучай большевистский партиясь выпестованная Ленинонь и Сталинонь мархта, закаленная жестокой классовой битватне эса, крхкаста и сембе ширде выражает народной массу кровной интересонзон, мудрайста и неуклонна вяжыне сиңь полной и окончательной коммунизмань победас. Вов мес партийнай оргаттне эса отчеттне и выборыне, конат ушедсть кирдихть ою значения аф аныцек партиясь внутренняй эряфсонза, но и минь сембе странаньконди, трудящихне сембе организациясонды.

Тя инь серьезнай проверка эр парторганть, парторганизациять политический боеспособностенцы. Очищандамок эсрядонзон и выдвигандамок руководящей оргаттнеди большевиконь кадрат, конат испытаннахть фашистский троцкистско-бухаринский бандитне каршес тюремаса, партиясь нинге сяда пях кемокснесы эс авторитетонц, нинге сяда пях тейста пуропнесы наротть Сталинский Центральной комитетть перьф.

Партиясь, кода корхтыви Сталинский Конституцияса, аши трудящихнеди передовой отрядок сиңь тюремасост социалистический строить кемокстаманц и развитианц инкса и аши трудящань сембе организациятнеди руководящей ядрокс. Фкя инь тяфтама организациякс, конац близкай большевистский партиясь, —тя Ленинский комсомольс. Внутренний сонь сембе виец и политический боеспособностец всецело зависит повседневнай партийнай руководствась эзда.

Фашистский троцкистско-бухаринский бандитне сявонць ставка комсомольт лангса партийнай руководствась сяземацты, лиякс марьгомс, йорасть сонь аертфтомс политический эряфть эзда.

ВКП(б)-нь Сталинский Центральной комитетсь, няфни комсомольт лангса большевистский руководствань замечательнай образец, машць эсь пингсонза лифтемс лангти врагонь проискатне. Большевистский партиясь руководстванц вельде Ленинский комсомольс лифтезень лангти и тапазень троцкистско-бухаринский шайкатне, конат орудовандасть комсомольский организациятне эса.

ВКП(б)-нь Центральной комитетсь и лична Сталин ялгась тонафнесазь партийнай организациятне, повседневна заботендамс комсомольт колга, шарфнемс сонь лангсонза аф лафчеповикс мяль, арелямс сонь враждебнай и вреднай влияниятне эзда. Одломатне воспитаниясон колга заботась, —большевизматя фкя инь сире традиция. „Одломатне минь будущностеньке минь надежданьке, ялгат, —корхтась Сталин ялгась. Одломатне должетт полафтомс минь, сиретне. Сон должен кандомс минь знамяньконь победати самс“.

Аш кодамовок сомнения, што одломанень воспитаниянь кизефксне и тяконь шоворхт комсомольт лангса партийнай руководствась партийнай организациятне отчетно-выборнай пуромксост заняхть надлежащей васта.

Именно тани комсомольский организациятне пях нужданайхть партийнай организациятне ширде повседневнай руководствась эзда. Тя азонкшневи сянь мархта, што комсомольский активонь составсь одкстомсь. Работань опытоц сонь нинге пях кржа. Тяка жа пингть одломатне йоткса работань задачатне арасть сложная, требованиятне касць.

Кода шарьхкодф, комсомольт лангса партруководствась тиендеви непосредственно партийнай пуромкснень, парткомтне и сиңь секретарьсон вельде, партприкрепленаяхне вельде и, наконец, комсомолса партийнай ядрот вельде. Особенно ою значения тани приобретает сембе партийнай организациять, парткомтне и сиңь секретарьсон ширде комсомольт лангс мялень шарфтомас. Комсомольт лангса партийнай руководствань тя основной формась. Кодамовок партприкрепленаяхне сонь немогут полафтомс. Отчетно-выборнай пуромксонь лама участникнень тяфтама кизефксне интересовандасазь: сидеста ли партийнай комитетсь проверендакшнесы комсомольский организациять работанц, путни ли комсомольский комитетть и башка коммунисттне — комсомолечне общай партийнай пуромксса отчетсон, кодама мерат примоси одломатне идеино-политический воспитаниясон цебарьгафтоманцы, кода лучшей комсомолечне таркесыне партиясь рядонза и мезе танди шорьси, кодама работа вяти комсомолечне йоткса одс примаф ВКП(б)-нь членонди кандидаттне мархта.

Эряви азомс, аф каждой парткомсь может отвечаемс ня кизефксенди.

ВКП(б)-нь Темниковский РК-ть омбоце секретарец Киселев ялгась аши ВЛКСМ-нь райкомонь бюронь членкс, комсомолонь райкомть бюронь заседаниясонза и пленумсонза эряй аф сиде пингонь инжикс. Мзярда ВЛКСМ-нь Темниковань РК-сь эняльдсь партиянь райкомти, штоба „почетнай“ ВЛКСМ-нь РК-нь бюронь членць лездоль комсомолти и обеспечиндальхце комсомольт лангса партийнай руководствась, Киселев ялгась ВЛКСМ-нь РК-ть эняльксонц лувондозе униженаякс и, ванфтомс собственной эсь мундиронь принципонц, сон комсомольт лангс тячимс кодамовок мяль ашезь шарфне.

Эряви азомс, сянь колга, што 1938 кизоня Рыбкинский и Кадошкинский партиянь райкомтне ВКП(б) нь РК-ть бюросонза комсомолонь райкомтне секретарьсон и партприкрепленаяхне тячимс ашезень кулхонда. Ня райоттне партиянь райкомтне секретарьсна аф вятихть контроль партприкрепленаяхне лангса, а сиңь обязатт повседневно лездомс и кемокстамс Ленинский комсомольт рядонзон.

Кода аши тевсь Рыбкинань районца комсомольский организациятне лангса кой-кона первичай партийнай организациятне ширде партийнай руководствань тевсь? Например; Мамолаева велеса лувондови 4 комсомолонь первичнай организацият, парторгсь Анискин ялгась, комсомольский организациятне лангса руководствась ладязе калдываста. Колма колхозга комсомольский организациятне лангс руководствась обеспечиндазе афсатомшка, а кой мзярда партийнай руководства йофси аф эряй, тя няеви сянь эзда, што комсомольский организациятне касыхть колхознай одломатне лувкста лафчста, аф сембе комсомолечне таргафт поллитонафнемас, лучшей комсомолечне партияв аф вовлекандакшневихть. Тяфта жа аши тевсь Од-Толковка велеса, коса парторгс работай Марков ялгась, конац мекпалыден пингть вестевок ашезь якомсомольский пуромкс. Партиянь Рыбкинский райкомсь эсь бюросонза комсомольт лангса

партруководствась колга первичнай парторганизациятне парторгсон кулхонкшнезень шуроста.

Аф сяда лац аши тевсь комсомольт лангса партруководствась Кадошкинский вельПО-са, коса работай парторгс Власкин ялгась. Аф кунара партийнай пуромксса Власкин ялгась тийсь отчет, коса лувозе эрявиксонди лоткамс буквально аф лама валса комсомольт лангса партруководствась колга, тяда меле заслуженайста критиковандазе комсомольский организациять аф ою лувксонь составонц инкса, но мезевос сон ашезь аз, што 1938 кизоня васенце кварталста ульсь примаф комсомолу аныцек фкя ломань, а сельПО-са комсомольский возрастса лувондовихть 15—20 ломатть.

Парторгсь Власкин ялгась комсомольт лангса партийнай руководствань кизефкснень колга йофси ашезь занимадондакшне.

ВКП(б)-нь Центральной комитетсь шарфни особай важнай значения комсомольт эзда партийнай рятне касомасонды. Партийнай организациятнеди ульсь максфт совершенно конкретнай указаният лучшей комсомолечне партияв вовлечениясон колга.

Нят указаниятне пяхкодемасна исключительно зависит сянь эзда, конашкава серьезнайста тя или тона партийнай организациясь занимадай комсомольт колга. Партиянь членонь и кандидатонь примамань лувкссь мекольден пингть значительна кассь, но сон ичкози афсаты сянди, штоба лувомс пяхкофокс Центральной Комитетть указаниязон.

Кепотьксонди: апрель 10-це шинцы самс неполнай даннайхне коряс Ковылкинский районца первичнай парторганизациятне мархта партиянь членкс и кандидатокс примаф 42 ломатть, а партиянь райкомсь примас аныцек 18.

Чамзинский районца первичнай организациятне мархта примаф 28 ломатть, райкомсь примас 12 ломатть. Партияв примамань колга апак ватт материалхне ою лувкссна ашихть первичнай парторганизациятне и райкомтне эса, а ВЛКСМ-нь райкомтне, максемок партияв сувамс рекомендацият, сяда тов аф заботендаихть документтне оформлениясон колга, тянь сюнеда башка комсомолечне 3—6 ковоны пингста аф мушендыхть партияв сувамс рекомендацият.

Комсомолечне — коммунисттне и партияв членонди кандидаттне, кода мярьгондихть партиядорсь, —тя партийнай руководствась опора минь союзоньконь лангса. Партийнай организациятне партиядрот мархта работасна аши сянь эса, штоба повседневно заботендамс комсомольт колга.

Комсомолечне — коммунисттне и партиянь членонди кандидаттне отчетно-выборнай пуромксса должетт пощадафтома критиковандамс комсомольт лангса партийнай руководствась афсатыксонзон. Тяконь шовор комсомолс отчетно-выборнай пуромкснень опытсон эзда может сатомс эсь работанцы ою полезнай тев. Именно партийнай организациятне эзда комсомолечне обязатт тонафнемс острай, смелай, беспощаднай критикати. Комсомолечне обязатт тонафнемс партийнай организациятне эзда дисциплинати, организованности и работаса афсатыксонь критиковандамати. Сиңь обязатт тонафнемс партиясь эзда революционной бдительности кеподеманцы, организациясь эр членити башка заботать шарфтоманцы, идеино-политический воспитанияти большевизматя овладениянцы.

Л. Кузнецов.

ВЛКСМ-нь Мордовский Обкомть секретарец.

## Стахановский работать результатонза

Шайговань районца, Теризморга велень Буденной ялгать лемса колхозса МИЛКИН колхозник атяти 66 киза. 1937 кизоня сон тийсь 470 трудошит, получаь 200 пуд сьора.

Милкин К. атясь нят показателхне сатозень социалистический соревнованиять и ударничествась вельде.

Сон сяссь обязательства работамс аныцек стахановский методса.

С. КАДЕРОВ.

## Сон кельксы трудть

Инсарань районца, Хитрова велень колхозса Кузнецов Е. колхозникс колхозса работай стахановский методса. Сон 1937 кизоня урьванц мархта тийсь 730 трудошит, получаь 240 пуд сьора.

Тяни Кузнецов Е. ялгать колхозонь правлениясь, кода стахановецонь, кучезе бригадиронь курсс.

И. АНОШКИН.

## Примернай конюх

Рузаевкань районца, Палаевка велень „Мокша“ колхозса Киреев Павел Ермолаевичсь конюхокс колхозса работай 3-це кизось ни. Бригада, коса работай Киреевсь, алашатне упитанностьсна прокс цебарь.

1937 кизоня Киреевсь тийсь 650 трудошит. Цебарь работанц инкса

ламоксть ульсь казф ярмакса и питни вешаса.

Тяка жа колхозса Аношкин Ефремсь 1937 кизоня тийсь 550 трудошит. Сон сяссь обязательства —1938 кизоня работамс нингя сяда цебарьста и тиёмс аф 750 трудошида кржа.

К. А. К.

## Пробнай выезд

Пурдошанский районца М. Пашад велень „Валда ян“ колхозсь тундань видемати сембе сбруйхне ремонтировандазень бригадатне йоткса кемокстафт соцдогворхт, алашатне упитанностьсна

цебарь. Аф кунара колхозсь тиендсь пробнай выезд. Пробнай выездсь няфтезе, што колхозсь тундань видемати анок цебарьста.

Чепанов В.



# Комсомольская эрафсь

## Вишконтемс социалистический соревнования школаса.

Малаткшнихть тундань переводнай испытаниатне. Сембе школатне нят испытаниатнеendi должетт цебарьста анокламс. Комсомольский и пионерский организациатне эрь шиня должетт вятемс оцю работа лиядыкс школьникнен йоткса, штоба аделамс тонафнема кизоть отличнай и хорошей оценка мархта. Тя задачась таниень пингть лувондови инь ответственнайкс. Штоба пашкодемс тя задачат комсомольский и пионерский организациатнеendi эряви школаса возглавить социалистический соревнования. Комсомолец мархта, пионерсь пионерть мархта, а тяфта жа группась группать мархта. Вов, Теризморгань НСШ-са социалистический соревнования лувонцазъ йофси аф эрявиксонди. Соцдоговоронь пашкодемась результаттнен ашезь проверякшне. НСШ-нь 7-це классонь ученикне кемокснестъ договор 6-це классонь ученикнен мархта, но тя пингс кивок ашезень проверякшне. Лама ученикт тонафнихть пяк кальдявста, кальдявста вятсазъ эсь пряснон. 7-це классонь ученикс Кадеров С. Е., Пачаев Н. Е. 6-це классонь ученикс. Нят ученикне ВЛКСМ-нь члетт. Синь аф оправдандакшнесазъ ленинский комсомолть званиянц.

Школаса стенной газетась, сянъ вастс, штоба эсь страницасонзаянфтелезе школат эряфонц и клейминдалезень позорса учебасалодрхнен, лисенди аф эсь пингстонза, а класснай руководителхне Кайкинцъ, Ворожейкинась нят возмутительнай фактнен лангс кодамовок мья аф шарфнить.

Эряви меляфтомс, што советский учительть задача аф анычек тонафнема, но воспитандакшнемс ученикнен коммунистический духса, штоба школаста нолдамс большевистский партияти преданнай советский работникт.

М. Т.

Шайгав.

## Афсоюзной од ломаттне сувайхть комсомолонь ряттнеendi

Саранск ошень рабфакса лац ладяф политучебань кружокнен работасна. Начальной комсомольский школасъ и ВКП(б)-нь историйть тонафнеманц ингса кружокне работайхть регулярна, плани коря. Кафцкя кружокнеendi якайхть афсоюзной одломатть.

Тяда башка афсоюзной одломаттнен йоткса тонафневи ВЛКСМ-нь программась и уставсь, РСФСР-нь и МАССР-нь Верховнай Совету кочкаматнен колга Положениятне.

Аф кунара сувасть комсомолонь ряттнеendi 40 ломань.

Рузманов.  
Дунаев.  
Чекашкин.



Мордовский сельско-хозяйственный коммунистический школаса студеттнен йоткса организациондафт политпросвещения 20 кружокт.  
Снимкаса: омбоце политкружоконь слушательхне занятиясот.

Фотось П. Ивановъ.

## Торговой работати выдвинуть лучшей комсомолецнен

Партиясь и правительствась оцю мья шарфнихть торговой организациатнен работаснон цебарьгафтомаснонды. Тя минь нингя сядя пяк тонафтсамазъ, штоба торговой работати выдвигать грамотнай и провереннай ломатть, конат няфгезъ эсь пряснон общественной работаса.

Тяни пяк лац шарьхкодеви, што народонь вракне торговой организациатнеendi насаждали синцен сторонникснон и тянь вельде вятезъ подрывной работаснон. Народонь вракне всякай лаца старандасть тиёмс оцю вред минь странань конди и сонь счастливай народоншты. Народонь вракне и синь пособниксна умышленна замораживали товарооборотъ, наксафнестъ доброкачественнай продукаттнен и растранижировали государственнай средстватнен.

Аф эряви ичкози якамс тяфтама возмутительнай фактонкса, а можна няфтемс аф кржа отрицательнай примерда Саранск ошса торговой организациатнен эзга, што торговой организациатне тячимс нингя эсь работаснон не перестроили и торговой аппарата аф кржа нингя непровереннай ломаньда.

Мордовский комсомольский организациас аф кржа комсомолецта и афсоюзной одломаньда, конат работайхть кооперативнай системаса, но синь йоткост тячимс нингя кальдявста ащи воспитательнай работась. Кепотьксонди сяфтяма тяфтама факт, што Саранск ошса торговой организациат-

нен эса работайхть 128 комсомолецт, но комсомолонь горкомсь синдеест кодамовок конкретнай лезкс аф максси и аф содасыне кода комсомолецне работайхть тя ответственнай тевть эса. Комсомолонь горкомсь кучсь Гормордов торгу работам Земсковать, но теенза эсь времастонза ашель кодамовок лезкс и меколи тянь сюнеда Земсковась савсь валхтомс работаста и панемс комсомолонь ряттнен эзда. Тяфта жа лиссь Филатовать мархта, конац растратила 5 тьожатъ цалковай государственнай ярмакт и тя оцю преступлениять инкса Филатовась тяни паньф комсомолонь ряттнен эзда.

Тя нингя вестъ няфнесы, што кой-кона комсомольский руководителхне торговой организациатнен тевснон недооценивают и тячимс кучсхть непровереннай ломатть.

ВЛКСМ-нь Мордовский обкомсь апрель ковть 17-це шистонза бюронь заседаниясонза решил, штоба торговой организациатнеendi кучемс работам 150 комсомолец. Тяда башка ВЛКСМ-нь обкомсь обязал комсомолонь райкомтнен, штоба синь систематически занимадакшнелхть ня вопроснен мархта и торговой организациатнеendi кучсельхть работам политически грамотнайхть и идеологически выдержаннай комсомолецт, конат действительно оправдандалезъ Ленинский комсомолъ званиянц.

П. Е.

## Машфтомс комсомолъ работастонза афсатыкшен

Сембонди шарьхкодеви, што Шайговань районца народонь вракне аф кржа вредидондасть сембе участкатнен эса. Народонь вракне насаждали ответственнай участкатнеendi аф кржа враждебнай элементта конатнен вельде вятезъ вредительский работаснон.

Васендакигя синь притупляли комсомолецнен революционной бдительностьснон, сязендезь политзанятиятнен.

Комсомольский руководителхнеendi эряволь ба шарьхкодемс, што Вертелимонь районцъ васен-

да входил Шайговань районти, кося раньше орудовандасть буржуазнай националисттне. Но Вертелимонь комсомолонь райкомсь и сонь секретарец Панькин ялгась тячимс тянь нингя ашезе шарьхкоде. Панькин кальдявста тюри вредительствать последствиянзон машфтомаснон инкса. Штоба афоль уль голословна, то можна няфтемс аф кржа факт, Ирсьетсь ульсь комсомольский организациа но ня комсомолецне, конат васенда ульсь тя велеть эса, тяни работась разваленнай, первичнай орга-

## Комсомольская организация работат

Курья вельень первичнай комсомольский организациась населениять йоткса нят шитнен пингста ушедсь РСФСР-нь и Мордовский АССР-нь Верховнай Советнеendi выборхнен колга Положениятнен тонафнема. Велеса организовандафт 18 кружокт, кося агитаторкс работайхть комсомолецт, учительт и вельень активистт. Агитаторхне цебарьста пашкоткшнесазъ эсь работаснон; синь путнесазъ сембе эсь вийснон, знанияснон, штоба нят величайшай закоттнен колга шарьхкодема сувафтомс эрь гражданинь и гражданкатъ сознаниязонза.

Комсомольский организациась цебарьста лезды колхозти тундань видемати аноклама тевса. Комсомолецне колхознай бригадава новляйхть стенгазетат, кося няфнесазъ колхозть передовой ломанензон, конат честнай эсь работаснон вельде лездыхть, штоба цебарьянста анокламс тундань видемати. Тяда башка нят стенгазетатне пощадафтома критиковандайхть колхозть афсатыксонзон тундань видемати анокламаса.

Сисем комсомолецт сявсть обязательстват паксы колхозникнен йоткса вятемс культурно-массовой работа: йотафнема мархтост беседат, тиендемс теест краткай информацииат международнай основной событиятнен колга, морафнема журналхт, газетат, художественнай литература и стак тов.

Аф ваномок комсомольский организациать цебарь работанц лангс вярде азф кизефкснен эса, эряви азомс, што сонь работасонза улихть и лафча васттка. Например, комсомольский организациась аф вяти кодамовок работа афсоюзной стирнятнен йоткса, сяс и стирнятнен лувксста организациась аф касы. Комсомольский организациань 14 комсомолецнен йоткса аш фкявок стирня—комсомолка.

Кда комсомольский организациать работасонза улихть афсатыкст, то должен теенза лездомс ВЛКСМ-нь райкомсь. А Курья вельень первичнай комсомольский организациась ВЛКСМ-нь Ковылкинский райкомть йофси нярь алонза. Но, аф ваномок тянь лангс, райкомонь работникне комсомольский организациати аф макссхть кодамовок лезкс.

Минь надиятама, што Курья вельень первичнай комсомольский организациась маластонь пингть, стирнятнен йоткса работать ладясы и синь эздост лучшайхнен примасыне комсомолу.

А ВЛКСМ-нь райкомонь работникнеendi эряви максомс комсомольский организациати тя тевса практический лезкс. Федор Райдон

Комсомолец.



## Агитаторхне и пропагандист- тне работайхть цебярста

Мокша Мазканя велеса агитаторхне и пропагандисттне вятихть оцю работа избирательхненъ йоткса. Велеса организовандафт кружокт, коса избирательхненъ йоткса тонафнесазь РСФСР-нь и МАССР-нь Верховнай Советтненди кочкаматненъ колга Положениятненъ. Занятиятне йотнихть регулярнайста и интереснайста.

Медвеев.

Синдрованъ р-н.

## Агитаторхне юкстазь эсь работаснон

СССР-нь Верховнай Совету кочкамада меле агитаторхне юкстазь эсь работаснон, аф ваномок сяньлангс, што маластонь пингть ушедыхть РСФСР-нь и МАССР-нь Верховнай Совету выборхне. Шямонь велеса агитаторхне тячимс ашестъярьмодь тя работати. Избирательхненъ йоткса кодамовок работа аф йотафнихть. РСФСР-нь и МАССР-нь Верховнай Совету кочкаматненъ колга Положениятненъ аф тонафнесазь.

И. Исанов.

Ковылкинанъ район.

## Аш работа избирательхненъ йоткса

Вертелимонь районца, Вертелим велеса тячимс ашезь ушед РСФСР-нь и МАССР-нь Верховнай Советтненди анокламань работати. Избирательхненъ йоткса РСФСР-нь и МАССР-нь Верховнай Советтненди кочкамань положениятне аф тонафневихть. Видекс, пропагандистт и агитаторхт улихть, но синь избирательхненъ йоткса тячимс ашезь ушед работати.

Колхозник.

## Примернай колхозницат

Болду велень Калинин ялгать лемса колхоза ОТФ-са работайхть Перова А. И., Богдашкина ялгатне Синь сявсть обязательстват 1938 кизоня йотай кизоцетъ коряс сяда ламода касфтомс учань поголовьять. Тядденъ кизотъ нят ялгатне фкявок вярос ашестъ кулофта.

Цебярь работаснон инкса синь казфть ярмакса и питни вешаса.

П. Е.

Рузаевканъ р-н



Орденосной Ленфильм студиясь поддась художественнай звуковой оцю фильма „Великий гражданин“. Фильмать постановщикот Ф. Эмлер.

Снимкаса: Н. Боголюбов артистсь Петр Шаховонь рольса.  
Репродукциясь Союзфототъ.

## Ладямс избирательхненъ йоткса работати

Ельникованъ районца, Мокша Полянканъ выселкаса избирательхненъ йоткса РСФСР-нь и МАССР-нь Верховнай Советтненди кочкаматненъ колга кодамовок работа аф йотафневи. Избирательхненъ йоткса РСФСР-нь и МАССР-нь Верховнай Советтненди кочкаматненъ колга Положениятне апак тонафнект.

Аф ВКП(б)-нь райкомсь, аф ВЛКСМ-нь райкомсь РСФСР-нь и МАССР-нь Верховнай Советтненди анокламань работати практический лезкс партийно-комсомольский организациятненди тячимс ашестъ макс.

К. С.

## АШ РАБОТА КОЛХОЗНАЙ КЛУПНЕНЪ И ИЗБА-ЧИТАЛЬНАТНЕНЪ ЭСА

Зубово-Полянский районца ульсь совещания избачненъ и клубонъ заведующайхненъ мархта. Тя совещанияса ульсь путфт отчетсна, клубонъ заведующайть Бояров ялгать, избачненъ Поков и Грачев ялгатненъ, конатэсь отчетсост азозь, што тячимс ашестъ новля фкявок бригадава стенгазета, изба-читальняса и клубса ашестъ йотафне фкявок беседа колхозникненъ мархта.

Зубово-Полянанъ РайОНО-ти эряви тянь шири шарфтомс оцю мяль.

И. Прошкин.

## Тонафнесазь избирательнай законть

Краснослободский медицинский школаса ученикненъ йоткса цебярста ладяф РСФСР-нь и МАССР-нь Верховнай Советтненди кочкаматненъ колга Положениятненъ тонафнемасна. Школаса организовандафт специальнай кружокт. Тяда башка дирекциясь нолдась РСФСР-нь и МАССР-нь кочкаматненъ колга Положениятненъ тонафнемаснонды специальнай академической частт.

Безупречный

## СВБ-нь ОРГАНИЗАЦИЯСЬ РАБОТАЙ ЦЕБЯРСТА

Инсаранъ педучилишаса ули СВБ-нь организация, коса лувондови 55 члетт. Тя организациясь эсь работанц ладязе цебярста. Йотафневихть пуромкст, коса тиендевихть антирелигиознай темас коря докладт, лекцият, волшебнай фонарьхть и стак тов. Аф кунара СВБ-нь члеттненъ йоткса ульсь йотафть пуромкс, коса сембе, кода фкя, сявсть обязательства—вятемс населениять йоткса антирелигиознай пропаганда.

Афтайкин.

## Тунданъ видемати анокт

Болду велень Калинин ялгать лемса колхозсь тунданъ видемати анок. Алашатненъ упитанностьна цебярь, сбруйхнецебярста ремонттировандафт, видемань сембе инвентарьсь ремонттировандафт, планцкоря аноклаф чистосортнай видеме.

Колхозса бригадатненъ зэга йотафневи оцю культмассовой работа. Эрь бригадаса кемокстафт соцдоговорхт.

Аг.

Рузаевканъ р-н.

## Школьной эряфсь



СНИМКАСА: Саранский райононъ Николаевка велень неполнай средняй школанъ тонафнихне—отличникне. Кержи ширеста види шири: Н. Кутузовась, С. Лашманщикова, А. Ширмановсь и А. Приказчиковась естествознаниянь уроксот.

Фотось Г. Барановть.

## ВОСПИТАТЕЛЬНАЯ РАБОТАСЬ ЛАДЯФ ЦЕБЯРСТА

Мокша Пашад велень средняй школанъ пионерхненъ йоткса вятви оцю политико-воспитательнай работа. Тиендевихть интереснай пионерский сборхт, конат йотнихть пяк интереснайста и организованнайста. Сборхненъ эса йотафневи газетанъ лувондомат, шахматса и шашкаса налхкомат.

Пяк интереснайста йотась мекольденъ сборсь, конац ульсь посвященной Горькийть творчествованцы. Тя сбора ульсь альбопт Горькийть эряфонъ кинц колга; ульсь йотафть сборхт папанинечненъ колга.

Чуваткин.

Пурдошанский район

## ТОНАФНИХТЬ ОТЛИЧНАЙСТА

Пашад велень средняй школанъ ученикне: Чепановсь, Аношкинц, Дворецкаясь, Милькинась, Кирдяшкинц тонафнихть отличнайста и цебярста. Нят ученикне тонафнема кизонь колмоце четверть аделазь отличнай и цебярь оценка мархта. Синь кунара ни ушедсть аноклама проверочнай испытаниятненди сянь инкса, штоба мекольденъ четвертьке аделамс отличнайста и испытаниятненъ максомс отличнайста. Синь школаса лувондовихть инь цебярь общественникос, лездыхть отстающей ялгаснонды.

Кирдяшкин.

Гулькин.

Пурдошанский р-н.

## Мес аф работай драмкружоксь

Вертелимонь НСШ-са кунаркиня ни организовандафт драмкружок. Драмкружокти ульсь кочкаф руководителькс И. И. Родькин ялгась. Васенце пингть драмкружоксь уставакшнесь работама, но мекпальденъ пинкненъ драмкружокть сембе работац катф эсьотям молемати. Тяни драмкружоксь кодамовок работа аф йотафни.

Минь кизефнесась—мзярда Вертелимонь НСШ-са драмкружоксь ушеды работама. Трясучкин.

## Детский технический кружок

Чамзинский средняй школаса организовандафт детский технический кружок. Кружокса сембоц 12 ломань. Сембе работась кружокса йотафневи планц коря. Итне Маень 1-це шити аноклахть моторнай лодка. Давыдов Витась йорай тиес од конструкциянь коряс аэроплан.

И. Симдянов.

## КОЛЯСЬ ТОНАФНИ ОТЛИЧНАЙСТА

Пашад велень афполнай средняй школанъ 6-це классонъ ученикс Чепанов Н. Ф. тонафни анецк отличнайста. Сон тонафнема кизонь колмоце четверть аделазе отличнай отметка мархта. Кунара ни ушедсь аноклама испытаниятненди. Тяда башка Чепановсь цебярь общественник. Лезды отстающей тонафнихненди испытаниятненди анокламаса.

Колясь колмоце четвертьста ульсь казф похвалнай грамотаса.

Ф. Кирдяшкин.

Пурдошанский район.

## Героический испаниянь иттненди и аватненди лезкс

Саранск ошень 12-це № школаса МОПР-нь организациясь кочкась республиканский испаниянь иттненди и аватненди лезксонди 470 цалковахть.

МОПР-нь организациясь лац тонафнесы международнай положениять, организовандафт МОПР-нь специальнай уголок. Зубрилов.

## Шахматно-шашечный турнир

Аф кунара Саранск ошса панжевсь шахматно-шашечнай турнир, коса примосихть участия Саранск ошень 12-це № средняй школанъ шахматистне и шашистне.

Сембоц участника 27 ломань. Шахматно-шашечнай турнирсь моли 7 шит. Аделамдонза меле инь цебярь шахматистне и шашистне улихть сявфт республиканский шахматно-шашечнай турнирсь, конац ули апрель ковста.

Н. Морозов

Ответ. редакторсь П. ЕЖОВ.

Упол. Главлита № Д—45. Заказ № 1608. Тираж 3884.

г. Саранск, тип. „Красный Октябрь“.